

欽定四庫全書

子部

神農本草經疏卷八



南京中医药大学图书馆版权所有

次定四庫全書

神農本草經

疏

早部上品之下

疏

五十三種

疏

要

明 繆希雍 撰

二十五種

黃連

黃耆

蒲黃

續斷

漏蘆

營實

天名精

決明子

丹參

茜根

五味子

蘭草

忍冬

蛇牀子

景天

茵陳蒿

沙參

王不留行

長松

藍實味苦寒無毒主解諸毒殺蠱蚊疰鬼螫毒久服頭
不白輕身其葉汁殺百藥毒解狼毒射罔毒

疏○藍實稟天地至陰之精故其味苦寒而無毒其
用主解諸毒殺蠱蚊疰鬼螫毒久服頭不白頭白者
血熱也藍能涼血而解熱故令髮不白也熱去而血
得所養故身輕其葉汁解百藥毒解狼毒射罔毒藥
性論云藍實味甘能填骨髓益心力汁止心煩躁由
此觀之苦寒而兼甘可知矣日華子又云治天行熱
狂疔瘡遊風熱毒腫毒風癬除煩止渴殺疳解毒藥
毒箭金瘡血悶排膿小兒熱疳小兒丹熱最為要藥

其功用之廣具如本草所載蓼藍最堪入藥甘藍人食去熱黃

主治叅互

藍汁入麝香雄黃治蜘蛛咬有神 乾藍為末同犬肉空腹食之主長肉內塞

簡誤

虛寒人及久泄畏寒腹中覺冷者勿服

芎藭味辛溫無毒主中風入腦頭痛寒痺筋攣緩急金

瘡婦人血閉無子除腦中冷動面上遊風去來目淚出
多涕唾忽忽如醉諸寒冷氣心腹堅痛中惡卒急腫痛
脇風痛溫中內寒

動宜
作痛

疏○芎藭稟天之溫氣地之辛味辛甘發散為陽是
則氣味俱陽而無毒陽主上升辛溫主散入足厥陰
經血中氣藥扁鵲言酸以其入肝也故主中風入腦
頭痛寒痺筋攣緩急金瘡婦人血閉無子別錄除腦
中冷動面上遊風去來目淚出多涕唾忽忽如醉諸

寒冷氣心腹堅痛中惡卒急腫痛脇風痛溫中內寒
已上諸病皆病在血分正以其性走竄而絕無陰凝
黏滯之性故入血藥上行而不可多用耳

主治參互

同地黃當歸芍藥為四物湯通主入血分補益 同
荊芥白芷當歸地黃芍藥木甘草治破傷風冬月加
桂枝 同當歸地黃乾漆延胡索五靈脂芍藥牡蠣
粉京三稜治血瘕 同白芷茜根黃耆金銀花生地

黃能排膿消瘀血 同甘菊花當歸地黃天門冬白
芍藥炙甘草專主血虛頭痛火盛者加童便服 同
當歸尾桂心牛膝治子死腹中 同續斷懷熟地白
膠杜仲山茱萸五味子人參黃耆酸棗仁治血崩久
不止

簡誤

芍藥性陽味辛凡病人上盛下虛虛火炎上嘔吐咳
嗽自汗易汗盜汗咽乾口燥發熱作渴煩躁法並忌

之

黃連味苦寒微寒無毒主熱氣目痛眥傷淚出明目腸
澼腹痛下痢婦人陰中腫痛五藏冷熱久下洩澼膿血
止消渴大驚除水利骨調胃厚腸益膽療口瘡久服令
人不忘

疏○黃連稟天地清寒之氣以生故氣味苦寒而無
毒味厚於氣味苦而厚陰也宜其下洩欲使上行須
加引導入手少陰陽明足少陽厥陰足陽明太陰為

病酒之仙藥滯下之神草六經所至各有殊功其主
熱氣目痛眦傷淚出明目大驚益膽者涼心清肝膽
也腸澼腹痛下痢別錄兼主泄澼泄者瀉利也澼者
大腸下血也俗呼為臟毒除水利骨厚腸胃療口瘡
者滌除腸胃脾三家之溼熱也久服令人不忘者心
家無火則清清則明故不忘禪家習定多飲苦茗亦
此義爾

主治參互

同赤梔木葉入三黃石膏湯治痧瘳已透而煩燥不止有神 入當歸六黃湯加棗仁龍眼治盜汗有神

同地黃甘菊荆芥穗甘草稍芎藭柴胡蟬蛻木通治風熱上攻目赤痛 黃連末一兩同雄羊肝一具生搗勻衆手丸如梧子每服以滾漿水吞廿一九諸眼目疾及障翳青盲皆主之禁食豬肉雖油汁亦勿入口作六劑必效矣 同當歸甘菊花人乳浸蒸入明礬銅綠各少許洗目甚效 同芍藥蓮子菟豆升

麻甘草滑石紅麴治一切滯下膿血 同槐花枳殼
乳香沒藥治滯下純血腹痛煮服神效 同五穀蟲
蘆薈白蕪荑青黛白槿花白芙蓉花治小兒一切疳
熱如神 同赤小豆為細末傳痔瘡妙 同乾葛甘
草升麻芍藥治痧癰後泄瀉 同五味子麥門冬乾
葛治酒病酒傷如神 同五味子甘草煮濃汁漱口
治口糜口瘡良 同麥門冬五味子治卒消渴小便
多良 同人參蓮子治虛人患滯下及老人產婦滯

下不止

簡誤

黃連味大苦氣大寒羣草中清肅之物其虛上經譬
猶臯陶之在虞廷明刑執法以禁民邪是其職也稷
契夔龍之事則非其任矣故祛邪散熱蕩滌腸胃肅
清神明是其性之所長而於補益精血溫養元氣則
其功泊如也凡病人血少氣虛脾胃薄弱血不足以
致驚悸不眠而兼煩熱躁渴及產後不眠血虛發熱

泄瀉腹痛小兒痘瘡陽虛作泄行漿後泄瀉老人脾
胃虛寒作瀉陰虛人天明溏泄病名腎泄真陰不足
內熱煩躁諸證法咸忌之犯之使人危殆大忌猪肉

絡石味苦溫微寒無毒主風熱死肌癰傷口乾舌焦癰
腫不消喉舌腫不通水漿不下大驚入腹除邪氣養腎
主腰髖痛堅筋骨利關節久服輕身明目潤澤好顏色

不老延年

傷宜
作瘍

疏○絡石稟少陽之令兼得地之陰氣其味苦其氣

溫微寒而無毒入足陽明手足少陰足厥陰少陽經
故主風熱死肌癰傷口乾舌焦癰腫不消喉舌腫水
漿不下皆苦溫通氣血血屬陰陰寒入血而除熱之
效也又能除邪氣養腎主腰髁痛堅筋骨利關節療
蛇毒心悶刀斧傷擣封立差皆涼血除熱之功也本
經久服輕身明目潤澤好顏色不老延年陳藏器以
為能變白亦指益陰涼血而言也生石上者良

主治參互

絡石搗汁入諸解毒藥治發背癰疽神驗

外臺秘要治喉痺喘息不通須臾欲絕以絡石二兩水一升煎取一大盞去滓細細喫須臾即通

簡誤

陰臟人畏寒易泄者勿服

木蓮薜荔也附木而生得木氣故名木蓮俗呼鬼饅頭黃緣樹木牆壁三五十年漸大枝葉繁茂葉長二三寸厚若石韋生子似蓮房打破有白汁停久如漆

六七月實內空而紅則蒲腹細子大如稗子一子一
鬚其味微澀其殼虛輕一年一熟子亦入藥頌曰薜
荔絡石極相類莖葉粗大如藤狀木蓮更大於絡石
四時不凋蓋稟天地陰寒之氣而生者也故其味酸
寒辛平無毒用其葉研爛絞汁和蜜飲數升并傳癰
上能消背癰下利即愈考木蓮無經文者為其與絡
石相類也俱以杜仲牡丹為之使惡鐵落畏貝母菖

蒲